



**ZAPISNIK O RADU 23. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 05.05.2022. GODINE**

Broj: 01-GV-02-799/22
Sarajevo, 05.05.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Nihad Uk, zamjenik predsjedavajućeg Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Marijela Hašimbegović, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
8. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
9. Bajro Biber, predsjedavajući Kluba gradskih vijećnika „USD-BOSS“
10. Elvedin Korora, predsjedavajući Kluba gradskih vijećnika „Korora/Skorupan“

Odsutni: Mila Eminović Rizvanović, sekretar Gradskog vijeća (najavljen izostanak), Dragan Stevanović, zamjenik predsjedavajućeg Gradskog vijeća (najavljen izostanak) i Vedran Dodik, predsjedavajući Kluba gradskih vijećnika „SMS-Savez za Stari Grad-Srdan Srdić“

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.12 sati, pozdravi prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa 9 glasova „za“, bez glasova „protiv“ i jednim „suzdržanim“ glasom **je usvojio** Zapisnik o radu 22. sjednice Kolegija Gradskog vijeća, održane 18.04.2022. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 23. sjednice Kolegija Gradskog vijeća, tako da glasi:

1. Priprema za održavanje 16. sjednice Gradskog vijeća Grada Sarajeva
2. Tekuća pitanja



Ad1)

Priprema za održavanje 16. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojilo** sljedeći **zaključak**:

- 16. sjednica Gradskog vijeća će se održati u **srijedu 01.06.2022. godine** u Vijećnici sa početkom u **10.00 sati**;
- predlagači će materijale dostaviti Predsjedavajućem najkasnije u **utorak 10.05.2022. godine**;
- sjednice radnih tijela, u pripremi 16. sjednice Gradskog vijeća, će se održavati u sedmici koja počinje s **ponedjeljkom 16.05. 2022. godine**;
- pozivi gradskim vijećnicima za 16. sjednicu Gradskog vijeća će se uputiti u **srijedu 25.05.2022. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće.

Nacrt Etičkog kodeksa izabраних zvaničnika i zvaničnica Grada Sarajeva ili Izmjene i dopune Etičkog kodeksa izabраних zvaničnika i zvaničnica Grada Sarajeva, čiji je predlagač Etičko vijeće Gradskog vijeća, prema raspoloživim informacijama, **bit će pripremljen za 17. sjednicu Gradskog vijeća**.

Informacija o realizaciji projekta izgradnje poslovno ugostiteljskog objekta „Vidikovac“, prema informaciji Gradonačelnice **spreмна je** i očekuje se da će biti uvrštena u prijedlog dnevnog reda 16. sjednice Gradskog vijeća.

Izveštaj o izvršenoj reviziji finansijskih izvještaja Grada Sarajeva za period mandata organa Grada Sarajeva 2017. – 2019. godina, s prijedlogom mjera i aktivnosti, prema informaciji Gradonačelnice, **nije spreman** i neće biti uvršten u prijedlog dnevnog reda 16. sjednice Gradskog vijeća obzirom da je u toku postupak javne nabavke.

Izveštaj o izvršenju Budžeta Grada Sarajeva za I kvartal 2022. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 16. sjednice Gradskog vijeća.

Izveštaj o provođenju Odluke o uslovima i postupku prihvatanja pokroviteljstva Grada Sarajeva u 2021. godini iz nadležnosti Gradske službe za obrazovanje, kulturu, sport i mlade prema informaciji Gradonačelnice, **je spreman** i očekuje se da će biti uvršten u prijedlog dnevnog reda 16. sjednice Gradskog vijeća.

Izveštaj o provođenju Odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2020./2021. godinu, prema informaciji Gradonačelnice, **nije spreman** i neće biti uvršten u prijedlog dnevnog reda 16. sjednice Gradskog vijeća obzirom da postupak dodjele stipendija nije okončan.

Izveštaj o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću za 2021. godinu, čiji je predlagač Skupština JP „Sarajevo“ d.o.o., prema raspoloživim informacijama, **bit će pripremljen** i očekuje se da će biti uvršten u prijedlog dnevnog reda 16. sjednice Gradskog vijeća.

Izvještaj o radu i poslovanju Javnog preduzeća „Olimpijski bazen Otoka“ d.o.o. Sarajevo za 2021. godinu čiji je predlagač Skupština JP „Olimpijski bazen Otoka“ d.o.o. Sarajevo, prema raspoloživim informacijama **bit će pripremljen** i očekuje se da će biti uvršten u prijedlog dnevnog reda 16. sjednice Gradskog vijeća.

Izvještaj o radu i poslovanju Javne ustanove „Gradski muzeji“ Sarajevo čiji je predlagač Upravni odbor Javne ustanove, prema raspoloživim informacijama, **bit će pripremljen** i očekuje se da će biti uvršten u prijedlog dnevnog reda 16. sjednice Gradskog vijeća.

Informacija sa prijedlogom mjera sistemskog finansiranja programa i aktivnosti JP „Olimpijski bazen Otoka“ d.o.o. Sarajevo čiji je predlagač Skupština JP „Olimpijski bazen Otoka“ d.o.o. Sarajevo, prema raspoloživim informacijama, **bit će pripremljena** i očekuje se da će biti uvrštena u prijedlog dnevnog reda 16. sjednice Gradskog vijeća.

Informacija sa prijedlogom mjera u oblasti investicionog ulaganja u cilju obezbjeđenja alternativnih energetske resursa, kao i uštede energenata kroz investiciona ulaganja za korištenje solarne energije, investiciona ulaganja usmjerena na rekonstrukciju ventilacionih kanala na zračnom prostoru bazena i investiciona ulaganja usmjerena na ugradnju elektro grijaa na bojlere V=3.000L za pripremu tople sanitarne vode čiji je predlagač Skupština JP „Olimpijski bazen Otoka“ d.o.o. Sarajevo, prema raspoloživim informacijama, **bit će pripremljena** i očekuje se da će biti uvrštena u prijedlog dnevnog reda 16. sjednice Gradskog vijeća.

c. Teme planirane Programom rada Gradskog vijeća Grada Sarajeva za 2022. godinu za period januar - april

Prijedlog Odluke o standardima i kriterijima za izbor pravobranioca i zamjenika pravobranoca Grada Sarajeva planiran za razmatranje u januaru mjesecu, prema informaciji Gradonačelnice će biti pripremljen i očekuje se da će biti uvršten u prijedlog dnevnog reda 16. sjednice Gradskog vijeća s tim da će Odluka umjesto u formi prijedloga Gradskom vijeću biti predložena za razmatranje u formi nacрта.

Tekst Nacrta Statuta Grada Sarajeva, planiran za razmatranje u martu mjesecu, čiji je predlagač Komisija za Statut i akte, prema informacijama Predsjedavajućeg Komisije za Statut i akte, **bit će pripremljen** i očekuje se da će biti uvršten u prijedlog dnevnog reda 16. sjednice Gradskog vijeća.

Jasmina Ademovića, predsjedavajući Gradskog vijeća je naglasio da je potrebno tekst Nacrta Statuta Grada Sarajeva uputiti gradskim vijećnicima najmanje 14 dana prije dana određenog za održavanje 16. sjednice Gradskog vijeća, te ponovo uz poziv za 16. sjednicu Gradskog vijeća, zajedno sa ostalim materijalima, kao tačku u prijedlogu dnevnog reda sjednice.

Toni Vukadin, predsjedavajući Komisije za Statut i akte je upoznao članove Kolegija da se očekuje da Komisija za Statut i akte na svojoj narednoj sjednici utvrdi tekst Nacrta Statuta Grada Sarajeva.

Također je upoznao članove Kolegija da će na narednoj sjednici Komisije za Statut i akte biti razmatran akt Komisije za lokalnu samoupravu Predstavničkog doma Parlamenta Federacije Bosne i Hercegovine, dostavljen Predsjedavajućem Gradskog vijeća i Gradonačelnici - Izjašnjenje na inicijativu Gradskog vijeća Grada Sarajeva za izmjenu Ustava Federacije Bosne i Hercegovine kojim bi se omogućio direktan izbor Gradonačelnika Sarajeva, te će na sjednicu Komisije za Statut i akte biti pozvan i Predsjednik Komisije za lokalnu samoupravu Predstavničkog doma Parlamenta Federacije Bosne i Hercegovine.

U raspravi koja je uslijedila, učestovala je **Benjamina Karić, gradonačelnica Grada Sarajeva** koja je uputila molbu Komisiji za Statut i akte da se u tekstu Nacrta Statuta Grada Sarajeva propiše da se svake godine vrši obavezna eksterna revizija finansijskih izvještaja Grada Sarajeva.

Prijedlog Odluke o podizanju spomenika bosanskom kralju Tvrtku I Kotromaniću planiran je za razmatranje u aprilu mjesecu. Prema informaciji Gradonačelnice priremljen je tekst Prijedloga Odluke o podizanju spomenika bosanskom kralju Tvrtku I Kotromaniću i isti će biti dostavljen Komisiji za spomenike Gradskog vijeća, kao ovlaštenom predlagачu.

Ukoliko Komisija za spomenike Gradskog vijeća utvrdi Prijedlog Odluke o podizanju spomenika bosanskom kralju Tvrtku I Kotromaniću očekuje se da će biti uvršten u prijedlog dnevnog reda 16. sjednice Gradskog vijeća.

d. Novi prijedlozi:

Benjamina Karić gradonačelnica Grada Sarajeva je informisala članove Kolegija da će za 16. sjednicu Gradskog vijeća predložiti i sljedeće materijale:

1. Prijedlog Odluke o obilježavanju Dana sjećanja na žrtve genocida u Srebrenici
2. Prijedlog Odluke o davanju saglasnosti gradonačelnici Grada Sarajeva za potpisivanja Memoranduma o saradnji između Grada Sarajeva i Svjetskog saveza dijaspore Bosne i Hercegovine
3. Informacija o realizaciji projekta izgradnje mreže za odvodnju fekalnih otpadnih voda objekta koji je lociran uz dolaznu stanicu Trebevičke žičare na lokalitetu Trebević
4. Informacija o realizaciji projekta pjeskarenja kamenih obala Miljacke
5. Informacija o realizaciji projekta „Rekonstrukcija i adaptacija objekta bivše zgrade SDK kod Vječne vatre“
6. Informacija o ukrašavanju mostova u Gradu Sarajevu
7. Informacija o iluminaciji mostova i Olimpiskog muzeja

Benjamina Karić gradonačelnica Grada Sarajeva je podsjetila članove Kolegija da je iz dnevnog reda 15. sjednice Gradskog vijeća povukla Prijedlog Odluke o uslovima i načinu dodjele „Šestoaprilске nagrade Grada Sarajeva“, obzirom na nedovoljan broj prispjelih primjedbi, prijedloga i sugestija u periodu javne rasprave, a koji su mogli dovesti do poboljšanja kvaliteta ovog akta.

Predložila je da u cilju izrade Prijedloga Odluke o uslovima i načinu dodjele „Šestoaprilске nagrade Grada Sarajeva“ formira Radnu grupu koju će činiti uposlenici Stručne službe za poslove Gradskog vijeća Grada Sarajeva i Stručne službe Gradonačelnice Grada Sarajeva.

Benjamina Karić gradonačelnica Grada Sarajeva je naglasila da u svom radu nastoji Gradskom vijeću prezentirati sve ono što je bitno za rad i funkcionisanje Grada Sarajeva, tako da se na svakoj sjednici Gradskog vijeća razmatra određen broj informacija o aktivnostima i projektima koje su ili realizovani ili se planiraju realizovati uz saglasnost Gradskog vijeća, te će, s tim u vezi, do ostavljenog roka za dostavu materijala, u slučaju potrebe delegirati i eventualno nove tačke dnevnog reda.

U raspravi koja je uslijedila **član Kolegija Seid Škaljić** je predložio, a **Jasmin Ademović, predsjedavajući Gradskog vijeća** je prihvatio prijedlog, da se izvještaji javnih preduzeća i javne ustanove dostave na razmatranje Odboru za budžet i finansije.

U raspravi koja je uslijedila vezano za postupak izbora revizorske kuće koja će izvršiti reviziju finansijskih izvještaja Grada Sarajeva, učestovali su **članovi Kolegija Seid Škaljić, Mirela Džehverović, zamjenica predsjedavajućeg Gradskog vijeća, Toni Vukadin**, a dodatna pojašnjenja dala je **Benjamina Karić, gradonačelnica Grada Sarajeva**.

Ad 3)

Tekuća pitanja

Jasmin Ademović, predsjedavajući Gradskog vijeća je ponovo pozvao predsjedavajuće klubova gradskih vijećnika da podsjetu gradske vijećnike na obavezu da putem mejla pisarnica@sarajevo.ba dostave obavijest u slučaju da su spriječeni da prisustvuju sjednici Gradskog vijeća.

Jasmin Ademović, predsjedavajući Gradskog vijeća je pozvao predsjedavajuće klubova gradskih vijećnika da upozore gradske vijećnike na obavezu prisustva na sjednici Gradskog vijeća do njenog završetka, kako se ne bi dovodio u pitanje rad sjednice.

U raspravi koja je uslijedila učestovala je **Mirela Džehverović, zamjenica predsjedavajućeg Gradskog vijeća**.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.44 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.